



Centro Integrado Gestão De Crise Sala De Situação

NOTA BA IMPRENSA

21 de Marsu 2021, 16H00

(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, loron 21 fulan Marsu 2021, hodi Centro Integrado Gestão de Crises, Sala Situação (CIGC-SS) nia naran, hakarak hato'o ba jornalista, no ba públiku tomak, informasaun hanesan tuir mai:

Ita hahú ho:

I. **KOMPLETA TINAN 1, HAHÚ DETETA KAZU COVID-19 IHA TIMOR-LESTE**

Ohin Timor-Leste kompleta tinan 1, sura husi momentu hahú deteta kazu Covid-19, iha 21 de Marsu 2020. Dadus ne'ebé iha, hatudu katak husi 21 Marsu 2020 to'o 22 Feveiru 2021, kazu Covid-19 ne'ebé deteta iha Timor-Leste, *importadu*, no *esporádiku*. Hahú 22 de Feveiru 2021, hafoin deteta kazu iha Aldeia Klauhalek, Suku Belulik Leten, Postu Administrativu Fatumea, Munisipiu Covalima, Timor-Leste hahú tama iha faze transmisaun cluster ka transmisaun lokal, tuir definisaun OMS nian. Iha fulan ida ikus nia laran, fenomenu transmisaun kluster espalla mós iha Kapital Dili, Munisipiu Baucau no Munisipiu Viqueque.

II. **EVOLUSAUN SURTU COVID-19 IHA MUNISIPIU DILI**

Ohin, iha Munisipiu Dili iha kazu foun 43, ho detalles hanesan tuir mai:

- a) **Kazu pozitivu 1**, hela iha Aldeia Berbidu, Suku Becora, Posto Administrativu Cristo Rei. Pozitivu ida ne'e kontaktu-besik ho kazu konfirmadu iha cluster HNGV.
- b) **Kazu pozitivu 9**, hela iha Aldeia Bidau Tokobaru 2, Suku Kulu-hun, Posto Administrativu Cristo Rei. Pozitivu hirak ne'e kontaktu-besik ho kazu iha cluster hanesan, ne'ebé anunsia horiseik, dia 20 de Marsu.
- c) **Kazu pozitivu 26**, hela iha Aldeia 20 de Setembro, Suku Bebonuk, Posto Administrativu Dom Aleixo. Pozitivu hirak ne'e kontaktu-besik ho kazu iha cluster hanesan.
- d) **Kazu pozitivu 7**, hela iha Aldeia Grilos, Suku Gricenfor, Posto Administrativu Nain Feto. Pozitivu hirak ne'e kontaktu-besik ho kazu husi cluster hanesan.

Ho nune'e, kazu detetadu ka pozitivu iha Munisipiu Dili husi dia 7 de Marsu 2021, to'o ohin, 21 de Marsu de 2021, hamutuk hotu 179.

Ho baze ba informasaun ne'ebé ekipa konjunta saúde nian rekolle, foku/cluster kazu pozitivu iha Dili, hetan revizaun hanesan tuir mai:

Nº	CLUSTER	KAZU KONFIRMADU IHA				
		7/3/2021	14/3/2021	19/3/ 2021	20/3/2021	21/3/2021
1	BTN II-Terra Santa, Suku Madohi:	2	7	9	9	9
2	BTN III –Terra Santa, Suku Madohi	0	0	7	10	10
3	Aldeia Gólgota, Madohi	0	3	3	3	3
4	Aldeia Loron matan, Suco Madohi	0	4	4	4	4
5	Aldeia Tasi Mean, Suku Comoro	0	1	1	1	1
6	Aldeia 4 Setembre, Comoro	0	2	2	2	2
7	Aldeia Fomento I, Suku Comoro	0	3	3	3	3
8	Aldeia Fomento II, Suku Comoro	0	1	1	1	1
9	Aldeia Fomento III, Suku Comoro	0	1	2	2	2
10	Aldeia Aimutin, Suku Comoro	0	1	1	1	1
11	Aldeia São Miguel, Suku Comoro	0	0	1	1	1
12	Aldeia 03, Suku Fatuhada	0	7	7	7	7
13	Aldeia 05, Suku Fatuhada	0	3	6	6	6
14	Aldeia 20 de Setembro, Suku Bebonuk	1	2	4	14	40
15	Aldeia Metin 3, Suku Bebonuk	0	0	1	1	1
16	Aldeia Teki-Teki, Suku Bairro Pité	0	1	1	1	1
17	Aldeia Frekat, Suku Bairro Pite	0	4	4	4	4
18	Aldeia 5 de Outubro, Suku Bairro Pité	0	0	1	1	1
19	Aldeia Avansa, Suku Bairro Pité	0	0	9	9	9
20	Aldeia Mate Restu, Suku Vila Verde	0	2	2	2	2
21	Aldeia Gideon, Suku Vila Verde	0	0	0	1	1
22	Aldeia Hura, Suku Motael	0	0	1	1	1
23	Aldeia Lirio, Suku Motael	0	0	2	2	2
24	Aldeia Grilos, Suku Gricenfor	0	0	0	1	8
25	Aldeia Maucoco Mate, Suku Becora	0	0	7	8	8
26	Aldeia Auhun, Suku Becora	0	0	1	1	1
27	Aldeia Berbidu, Suku Becora	0	0	0	2	3
28	Aldeia Toko Baru 2, Suku Kulu-Hun	0	0	0	1	10
29	Hospital Nacional Guido Valadares	0	0	2	5	5
30	Kuarentena Carla Masion	0	0	1	1	1
31	Ministériu Finansas	0	3	3	3	3
32	SEFOPE	0	9	9	9	9
33	Ministério Transportes e Comunicação	0	2	2	2	2
34	EMONC (Emergency Obstetrics and Neonatal Care) training/Hospital Nacional Guido Valadares.	0	7	7	12	12

Kazu detetadu 179 iha Dili ne'e, fahe ba cluster 34, namkari iha instituisaun 4, eventu 1 & Suku 10, & fatin kuarentena 1, iha Postu Administrativu D. Aleixo, Vera Cruz, Nain Feto & Cristo Rei.

Husi cluster 34 ne'ebé iha, iha cluster 14 maka kazu la aumenta iha semana ida nia laran ona.

III. EVOLUSAUN SURTU COVID-19 IHA MUNISIPIU BAUCAU

Iha Munisipiu Baucau, ohin iha kazu foun 11. Hamutuk hotu Munisipiu Baucau deteta ona kazu konfirmadu nain 19. Kazu foun hirak ne'e, hela iha Aldeia Builai, Suku Buibau, Baucau Vila. Kazu konfirmadu hirak kontaktu-besik ho kazu husi Aldeia Lamegua ne'ebé anunsia iha dia 19 de Marsu.

IV. EVOLUSAUN SURTU COVID-19 IHA MUNISIPIU VIQUEQUE

Iha Munisipiu Viqueque, ohin iha kazu foun 1. Hamutuk hotu Munisipiu Viqueque deteta ona kazu konfirmadu nain 4. Kazu foun ida ne'e, hela iha Aldeia Mamaluk (Beloi), Suku Karaubalu, Viqueque. Kazu konfirmadu ida ne'e kontaktu-besik ho profesionál saúde ne'ebé halo kursu pós-laboral iha UNTL & fila husi Dili ba Viqueque iha dia 8 de Março.

V. ATIVIDADE PREVENSAUN & MITIGASAUN COVID-19 IHA MUNISIPIU SIRA SELUK & RAEOA

1. Atividade prevensaun no mitigasaun Covid-19 iha Munisipiu sira seluk la'o hanesan bain-bain.
2. Tuir Planu Kontinjéncia Governu nian, Timor-Leste iha faze Alerta 3, ka iha Faze Mitigasaun.

VI. DADUS JERAL:

- 1) Kazu foun ohin: 55.
- 2) Kazu rekuperadu: 3.
- 3) Kazu ativu: 206.
 - Kazu nain 55 ohin, iha mane nain 23, feto nain 32.
 - Ema ho idade tinan 0-14: 13;
 - Ema ho idade entre tinan 16-67: 42;
 - Ema sintomátiku: 9;
 - Ema asintomátiku: 46.
- 4) Husi horiseik mai ohin hamutuk hotu halo 425 testes PCR.

VII. ESPLIKASAUN ADISIONÁL

1. Husi kazu ativu ne'ebé iha izolamentu, iha ida ne'ebé tama kategoria moderadu. Kazu ida ne'e sofre *insufisiensia renal kronika*, no halo hemodiálize durante tinan rua ona. Kazu ida ne'e detetadu pozitivu loron rua liu-bá. Ninia oráriu hemodiálize kinta-feira ho segunda-feira. Iha kinta-feira dia 18 de Marsu la konsegue halo hemodiálize tamba unidade hemodiálize HNGV taka hodi halo dezinfesaun. Horikalan iha sala izolamentu Tasitolu, nia iha problema oksijenasaun, no ekipa médika izolamentu nian decide transfere ba Vera Cruz nu'udar fatin ne'ebé preparadu atu halo izolamentu ba kazu moderadu sira. To'o loriak ne'e ninia kondisaun estável. Nia kontinua halo tratamentu ba hipertensaun no aban ninia oráriu atu halo hemodiálize iha HNGV, ne'ebé prepara ona fatin espesiál ba halo hemodiálize ba ema sira ne'ebé mós pozitivu SARS-CoV-2.

2. Iha mós kazu ida, inan isin-rua, idade tinan 27, horisiek iha hemorajia, ka fakar-ran. Señora ida ne'e iha istória abortu, ho ida ne'e dala rua ona. Horikalan ekipa médika transfere ba Vera Cruz hodi halo intervesaun husi especialista sira. Oras ne'e dadaun kondisaun estável, no sei transfere hikas ba izolamentu Tasitolu.

VIII. APELU

1. Nafatin apela ba populasaun ne'ebé saí husi Dili ba munisipiu sira seluk, entre dia 5 to'o dia 9 de Marsu madrugada, molok serka sanitaria hahú tama iha vigor iha Dili, atu favor ida apresenta-an ba autoridade saúde sira ne'ebé besik-liu, iha imi nia hela fatin, hodi bele hetan atendimentu. Apela mós ba comunidade iha munisipiu sira hotu, wainhira hatene kona-ba ema ruma ne'ebé sai husi Dili molok serka sanitaria hahú iha Dili, halo favor informa hela autoridade sira atu bele halo atendimentu ba sira.
2. Apela ba populasaun Timor-Leste tomak, liu-liu iha Munisipiu Dili, Baucau ho Viqueque atu nafatin hakmatek, lalika sé tilun ba lia-anin ka rumores, pratíka nafatin medida sira ne'ebé ita hotu hatene ona: (a) Uza mascara; (b) fase liman beibeik ho sabaun ka dezinfetante ruma; (c) evita kose liman ba matan, inus hoibun; (d) wainhira kumprimenta malu, lapresiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA